



Broj:10-33-31683-8/23

Dana: 01.11.2023. godine

Na osnovu člana 13. Zakona o zdravstvenoj zaštiti („Službene novine Federacije BiH“, br. 46/10 i 75/13), Ministarstvo zdravstva Kantona Sarajevo objavljuje

## Javni poziv

**za dodjelu protetičkih sredstava u svrhu zdravstvenog zbrinjavanja osoba sa invaliditetom**

### 1. PREDMET JAVNOG POZIVA

Predmet Javnog poziva je dodjela protetičkih sredstava i to: **4 (četiri) Mikroprocesorski kontrolisana koljena i 1 (jedna) Mioelektrična kontrolisana i višestruko zglobna ručna proteza, sa kontrolorom mioelektrične proteze, uz radnu šaku koja je kompatibilna sa kontrolorom mioelektrične proteze, u svrhu zdravstvenog zbrinjavanja osoba sa invaliditetom sa područja Kantona Sarajevo** – osoba sa amputiranim dijelovima tijela (amputacija podlaktice i natkoljena amputacija).

### 2. PRAVO UČESĆA I USLOVI ZA OSTVARIVANJE PRAVA NA DODJELU PROTETIČKIH POMAGALA U SVRHU ZDRAVSTVENOG ZBRINJAVANJA OSOBA SA INVALIDITETOM

Pravo učešća po ovom Javnom pozivu, na dodjelu **protetičkih sredstava u svrhu zdravstvenog zbrinjavanja osoba sa invaliditetom**, ostvaruju fizička lica sa područja Kantona Sarajevo, pod uvjetom da ispunjavaju sljedeće kriterije:

- da imaju prebivalište na području Kantona Sarajevo prije podnošenja zahtjeva i
- da je osoba sa utvrđenom dijagnozom: jednostrane amputacije gornjeg ekstremiteta ili jednostrane amputacije donjeg ekstremiteta, ili obostrane amputacije gornjih ekstremiteta, ili obostrane amputacije donjih ekstremiteta, ili jednostrane amputacije gornjeg i jednostrane amputacije donjeg ekstremiteta.

Napomena: osobe sa obostranom amputacijom i osobe sa jednostranom amputacijom gornjeg i jednostranom amputacijom donjeg ekstremiteta mogu dobiti protetičko sredstvo, odnosno samo jedno ortopedsko pomagalo (jedno mikroprocesorski kontrolisano koljeno ili jednu mioelektrično kontrolisanu i višestruko zglobnu ručnu protezu).

### 3. KRITERIJI ZA UTVRĐIVANJE RANG LISTE

- da osoba koja aplicira nije ranije ostvarila pravo po istom osnovu iz ovog Javnog poziva;
- da je osoba koja aplicira mlađe ili srednje životne dobi;
- da je osoba radno sposobna;
- da je zdravstveno stanje osobe koja aplicira zadovoljavajuće, u smislu očuvanosti ostale koštano mišićne strukture;
- da je stečeni deformitet.

### 4. POTREBNA DOKUMENTACIJA

Podnosioci zahtjeva po ovom Javnom pozivu dužni su dostaviti sljedeću dokumentaciju:

- prijavni obrazac;
- rodni list;
- prijavu prebivališta (CIPS) ;
- zadnji nalaz ljekara o zdravstvenom stanju pacijenta i dijagnozi (odgovarajuća medicinska dokumentacija kojom se dokazuje dijagnoza pacijenta).

### 5. OCJENA PRIJAVA i PROCEDURA ODABIRA

Ocjenu i pripremu prijedloga liste za dodjelu protetičkih sredstava u svrhu zdravstvenog zbrinjavanja osoba sa invaliditetom vršit će stručna Komisija Ministarstva zdravstva Kantona Sarajevo, a u skladu sa naprijed navedenim kriterijima za utvrđivanje rang liste ovog Javnog poziva, uzimajući u obzir opće stanje aplikanata. Ministar zdravstva Kantona Sarajevo, na prijedlog stručne komisije, donosi konačnu odluku o dodjeli po ovom Javnom pozivu.

Rang lista će biti objavljena na web stranici Ministarstva zdravstva <http://mz.ks.gov.ba>.

Ministarstvo na osnovu konačne odluke zaključuje pojedinačne ugovore sa korisnicima.

Protetička pomagala dodijeljena po ovom Javnom pozivu finansirana su sredstvima obezbijeđenim u Budžetu Kantona Sarajevo, na razdjelu Ministarstva zdravstva Kantona Sarajevo, te se moraju koristiti prema odredbama ugovora koje će resorno Ministarstvo potpisati sa korisnicima.

### 6. ROK ZA PODNOŠENJA PRIJAVE

Rok za podnošenje prijave je **10 (deset) dana** od dana objavljivanja Javnog poziva na web stranici Ministarstva zdravstva Kantona Sarajevo.

Prijavni obrazac za dodjelu **protetičkih sredstava u svrhu zdravstvenog zbrinjavanja osoba sa invaliditetom**, može se preuzeti sa web stranice Ministarstva zdravstva Kantona Sarajevo ([www.mz.ks.gov.ba](http://www.mz.ks.gov.ba)) ili na protokolu na adresi ul. Reisa Džemaludina Čauševića br. 1.

### 7. MJESTO PODNOŠENJA PRIJAVA



Prijava na ovaj Javni poziv se podnosi u pisanoj formi na obrascu prijave za dodjelu protetičkih sredstava u svrhu zdravstvenog zbrinjavanja osoba sa invaliditetom, objavljenim na web stranici Ministarstva zdravstva, sa dokazima o ispunjavanju uslova i sa potrebnom dokumentacijom na adresu:

**Ministarstvo zdravstva Kantona Sarajevo, ulica Reisa Džemaludina Čauševića br. 1,  
71000 Sarajevo sa naznakom**

**„Prijava na Javni poziv za dodjelu protetičkih sredstava u svrhu zdravstvenog zbrinjavanja  
osoba sa invaliditetom sa područja Kantona Sarajevo u 2023 godini“  
u zatvorenoj koverti – NE OTVARAJ.**

Informacije vezane za predmet ovog Javnog poziva mogu se dobiti na telefon: 033/562-106.

## **8. NAPOMENA**

Kompletna dokumentacija koja se dostavlja uz Javni poziv mora biti original ili ovjerena kopija koja ne može biti starija od 3 mjeseca.

Predata dokumentacija neće se vraćati podnosiocima zahtjeva.

Nepotpuni i neblagovremeni zahtjevi neće se uzimati u razmatranje.

**MINISTAR**

Prof. dr. Haris Vranić, s.r.